



Կայացան ՀՀ գիտությունների ազգային ակադեմիայի ղեկավար կազմի ընտրությունները

ՀՀ ԳԱԱ գործող նախագահ, ակադեմիկոս ՌԱԴԻԿ ՄԱՐՏԻՐՈՍՅԱՆԸ վերընտրվեց

Հունիսի 28-ին կայացավ ՀՀ ԳԱԱ ընդհանուր ժողովը, որի կազմում ընդգրկված էին ՀՀ ԳԱԱ 66 իսկական անդամներ (ակադեմիկոսներ), 62 թղթակից անդամներ և ՀՀ ԳԱԱ գիտական հաստատությունների և կազմակերպությունների 41 լիազոր ներկայացուցիչներ: Ժողովին մասնակցում էր 151 մարդ:

Համաձայն կանոնադրության, ՀՀ ԳԱԱ նախագահի պաշտոնի համար առաջադրվեցին թեկնածուներ:

ՀՀ ԳԱԱ ակադեմիկոս Արմեն Գալոյանը առաջադրեց գործող նախագահ, ակադեմիկոս Ռադիկ Մարտիրոսյանի թեկնածությունը:

ՀՀ ԳԱԱ թղթակից անդամ Սուրեն Մխիթարյանը առաջադրեց ՀՀ ԳԱԱ ակադեմիկոս Լենսեր Աղալովյանի թեկնածությունը:

Այնուհետև առաջադրված թեկնածուները ժողովի մասնակիցներին ներկայացրին գործունեության իրենց ծրագրերը: Բազմաթիվ ելույթներից հետո ժողովը անցավ քվեարկության:

Փակ-զաղտնի քվեարկության արդյունքներով գործող նախագահ Ռադիկ Մարտիրոսյանը ստացավ ծայրերի մեծամասնությունը՝ 102 կողմ, իսկ Լենսեր Աղալովյանը՝ 34 կողմ:

Ընդհանուր առմամբ, երկու թեկնածուներին դեմ քվեարկեցին 7 ընտրող, 8 քվեաթերթիկ ծանաչվեց անվավեր:

Այսպիսով, հանրապետության գիտությունների ազգային ակադեմիայի նախագահի վերընտրվեց ակադեմիկոս Ռադիկ Մարտիրոսյանի Մարտիրոսյանը:

Այնուհետև ՀՀ ԳԱԱ նորընտիր նախագահ Ռադիկ Մարտիրոսյանը ՀՀ ԳԱԱ փոխնախագահի պաշտոնում առաջադրեց գործող փոխնախագահի, ակադեմիկոս Յուրի Շուբուրյանին, իսկ ՀՀ ԳԱԱ ակադեմիկոս-քարտուղարի պաշտոնի համար՝ ՀՀ ԳԱԱ թղթակից անդամ Հրանտ Մաթևոսյանի թեկնածությունները: Փակ-զաղտնի քվեարկությամբ, համապատասխանաբար ստանալով 118 և 115 ծայր՝ Յուրի Շուբուրյանը և Հրանտ Մաթևոսյանը ընտրվեցին առա-



ջադրված պաշտոններում:

Հունիսի 29-ին ավարտվեցին ՀՀ ԳԱԱ ղեկավարության ընտրությունները: Մաթևոսյանի և Մարտիրոսյանի գլխավորությամբ ակադեմիկոս-քարտուղարի պաշտոնում վերընտրվեց ՀՀ ԳԱԱ ակադեմիկոս Նորայր Առաքելյանը: Ֆիզիկայի և աստղաֆիզիկայի բաժանմունքի ակադեմիկոս-քարտուղարի պաշտոնում վերընտրվեց ՀՀ ԳԱԱ ակադեմիկոս Յուրի Զիլինգարյանը: Բնական գիտությունների բաժանմունքի ակադեմիկոս-քարտուղարի պաշտոնում վերընտրվեց ՀՀ ԳԱԱ ակադեմիկոս Վի-

լեն Հակոբյանը: Քիմիական և երկրի մասին գիտությունների բաժանմունքի ակադեմիկոս-քարտուղարի պաշտոնում ընտրվեց ՀՀ ԳԱԱ թղթակից անդամ, ՀՀ ԳԱԱ Ա. Բ. Նալբանդյանի անվան քիմիական ֆիզիկայի ինստիտուտի տնօրեն Լևոն Թավադյանը: Հայագիտության և հասարակական գիտությունների բաժանմունքի ակադեմիկոս-քարտուղարի պաշտոնում ընտրվեց ՀՀ ԳԱԱ ակադեմիկոս, Հայաստանի պետական տնտեսագիտական համալսարանի ռեկտոր Յուրի Սուվարյանը:

Նորընտիր ակադեմիկոս-քարտուղարները, ինչպես նաև ՀՀ ԳԱԱ նախագահ Ռադիկ Մարտիրոսյանը, ՀՀ ԳԱԱ փոխնախագահ Յուրի Շուբուրյանը և ՀՀ ԳԱԱ ակադեմիկոս-քարտուղար Հրանտ Մաթևոսյանը ի պաշտոնե ընդգրկվեցին ՀՀ ԳԱԱ նախագահության նոր կազմի մեջ: ՀՀ ԳԱԱ նախագահության ազատ անդամներ ընտրվեցին ՀՀ ԳԱԱ ակադեմիկոսներ Լենսեր Աղալովյանը, Էդուարդ Ղազարյանը, Վահիկ Չաքարյանը, Կառլեն Աղամյանը, ՀՀ ԳԱԱ թղթակից անդամ Արամ Պապոյանը, ՀՀ ԳԱԱ թղթակից անդամ Գևորգ Պողոսյանը, ՀՀ ԳԱԱ թղթակից անդամ Արամ Սիմոնյանը:

ՀՀ ԳԱԱ նախագահ Ռադիկ Մարտիրոսյանը գոհունակություն հայտնեց այն միասնականության համար, որը ցուցաբերվեց ՀՀ ԳԱԱ ղեկավարության ընտրությունների ժամանակ և վստահություն հայտնեց, որ նման միասնականություն կցուցաբերվի նաև գիտության զարգացման ծրագրերի իրականացման, հասարակության կյանքում ակադեմիայի և գիտնականի դերի ամրապնդման գործում:

5-ամյա արդյունավետ աշխատանքի համար ՀՀ ԳԱԱ նախագահը շնորհակալություն հայտնեց ՀՀ ԳԱԱ նախագահության անդամներին, հատկապես նրանց, ովքեր չընդգրկվեցին ՀՀ ԳԱԱ նախագահության նոր կազմում՝ ՀՀ ԳԱԱ ակադեմիկոսներ Սերգեյ Համբարձումյանին, Վլադիմիր Բարխուդարյանին, Աղուֆ Մանթաշյանին, Արամ Շահինյանին, Ռոբերտ Աթոյանին:

ՀՀ Նախագահի հրամանագրով

Հայաստանի Հանրապետության նախագահի հրամանագրերով հանրապետության տոնի կապակցությամբ գիտության, կրթության, մշակույթի, արվեստի, տնտեսության, առողջապահության ոլորտի մի խումբ աշխատողներ պարգևատրվել են բարձրագույն պետական պարգևներով՝ մեդալներով և շքանշաններով, շնորհվել են նաև պատվավոր կոչումներ:

«Հայրենիքին մատուցած ծառայությունների համար» 1-ին աստիճանի մեդալով պարգևատրվել են ՀՀ ԳԱԱ ակադեմիկոսներ

Վանիկ Սուրենի ՉԱԲԱՐՅԱՆԸ
Յուրի Միքայելի ՍՈՒՎԱՐՅԱՆԸ

«Անանիա Շիրակացու» մեդալի է արժանացել ՀՀ ԳԱԱ ակադեմիկոս Էդուարդ Մուշեղի ՂԱԶԱՐՅԱՆԸ:

Գիտության վաստակավոր գործչի կոչման են արժանացել ՀՀ ԳԱԱ ակադեմիկոսներ

Վլադիմիր Միխայիլի ՀԱՐՈՒԹՅՈՒՆՅԱՆԸ,
Յուրի Հայկի ՀՈՒԲՈՒՐՅԱՆԸ:

Շնորհավորել է ՀՀ Նախագահը

Նախագահ Սերժ Սարգսյանը շնորհավորական ուղերձ է հղել ամերիկահայ ծանաչված գիտնական, պատմաբան, «Զորյան» ինստիտուտի ցեղասպանության ուսումնասիրության գծով տնօրեն, պրոֆեսոր Վահագն Տատրյանին՝ ծննդյան 85-րդ տարեդարձի կապակցությամբ:

Ուղերձում ասված է.

«Հարգելի պարոն Տատրյան,

Ձերմորեն շնորհավորում եմ Ձեզ ծննդյան 85-րդ տարեդարձի կապակցությամբ:

Դուք մեր ժամանակների մեծագույն հայ գիտնականներից եք, ում գիտական գործունեությունն ու աշխատանքներն ունեն մեծ հասարակական-քաղաքական հնչեղություն: Ձեր ավանդը Հայոց ցեղասպանության միջազգային ճանաչման և ժխտողականությանը փաստարկված ու ծանրակշիռ հակահարվածներ հասցնելու գործում շարունակաբար տալիս է իր տեսանելի արդյունքը: Այն մեծ ներդրում է ցեղասպանության հանցագործության դեմ միջազգային պայքարում, որտեղ Հայաստանը ստանձնել և մշտապես պահպանելու է առաջամարտիկի իր դերը:

Հայրենիքում գիտեն, սիրում ու գնահատում են Ձեզ՝ որպես մարդու, ով իր կյանքն ու գործը նվիրել է իր ժողովրդի արդար դատի պաշտպանությանը:

Մաղթում եմ Ձեզ քաջամոլություն, երկար ու բեղմնավոր տարիներ»:

ՀՀ Նախագահի մամուլ գրասենյակ



ՏԻԳՐԱՆ ՄԵԾ

ԳՐԻԻ ԵՆՈՐՀԱՆԴԻՆ

ՏԻԳՐԱՆ ՄԵԾ

Էդուարդ Մսերյանի մեկենասությամբ: 500 օրինակով գիրքը հրատարակել է ՀՀ ԳԱԱ «Գիտություն» հրատարակչությունը:

Ինչպես իր «Երկու խոսքում» նշում է գրքի խմբագիր Էդուարդ Դանիելյանը.

«Սույն ժողովածուում ամփոփված են գիտաժողովում ներկայացված գեկուցումները, որոնք նվիրված են Մեծ Հայքի թագավորությունը համաշխարհային նշանակության տերության աստիճանի հասցրած Արքայից արքա Տիգրան Բ Մեծի կյանքին և պետական, կենտրոնաձիգ քաղաքական, զորավարական, դիվանագիտական, քաղաքակրթական ու մշակութային գործունեությանը, որը բխում էր հայ հասարակության՝ հազարամյակների խորքից եկող քաղաքակրթական զարգացումներից»:

«Տիգրան Մեծ» գրքին նվիրված շնորհանդեսը հակիրճ խոսքով բացեց ՀՀ ԳԱԱ նախագահ, ակադեմիկոս Ռադիկ Մարտիրոսյանը:

ԳԱԱ հայագիտության և հասարա-

կական գիտությունների բաժանմունքի ակադեմիկոս-քարտուղար, ակադեմիկոս Վլադիմիր Բարխուդարյանը շնորհավորեց և կարևորեց ժողովածուի տպագրությունը: Նա հատուկ շնորհակալություն հայտնեց գրքի խմբագիր Էդուարդ Դանիելյանին, ամերիկահայ բարերար Էդուարդ Մսերյանին, «Գիտություն» հրատարակչությանը, որոնք ջանքերով իրականություն է դարձել անչափ կարևոր այս գրքի ծնունդը, քանի որ Տիգրան Մեծի կյանքն ու գործունեությունը, նրա կերպարի ամբողջական բացահայտումը եղել է և պետք է մնա հայ պատմագրության կարևոր խնդիրներից մեկը:

Ողջունելի է, որ այս ժողովածուում ամփոփվել են Տիգրան Մեծին նվիրված մենագրություններն ու գեկույցները, արտասահմանյան հեղինակների ուսումնասիրությունները: Ժողովածուում մի հիմնալի տեղեկատու է՝ հանրագիտարանային արժեքով, և կարևոր ձեռքբերում տիգրանագիտության ասպարեզում:

Շնորհանդեսին ելույթ ունեցան ՀՀ մշակույթի նախարար Հասմիկ Պողոսյանը, Ազգային ժողովի պատգամավորներ Լիլիթ Գալստյանը, Վահան Հովհաննիսյանը, ԵՊՀ-ի պատմության ֆակուլտետի դեկան Էդ. Մինասյանը և այլք:

Հատուկ շնորհակալություն հայտնելով ժողովածուի կազմման աշխատանքների բոլոր մասնակիցներին՝ գրքի հրատարակության հովանավոր, ամերիկահայ բարերար Էդուարդ Մսերյանը հույս հայտնեց, որ առաջիկայում ժողովածու կհրատարակվի օտար լեզուներով:

Ի դեպ, նույնքան ամսին ԳԱԱ պատմության ինստիտուտը կհրավիրի միջազգային գիտաժողով՝ «Հայկական քաղաքակրթությունը մետաքսի ճանապարհին» թեմայով, որն էլ կլինի գրքի բովանդակության յուրովի շարունակությունը:

Օրերս «Գրքարվեստ»

հանրապետական

չորրորդ

մրցանակաբաշխությունում

«Տիգրան Մեծ» գիրքը

արժանացել է առաջին

կարգի դիպլոմի:

...ԵՂ Փրկեա ԿԵՂ Ի Շարե...

Տերունական աղոթքի այս բառերը հանկարծ հիշեցի, երբ երկու երիտասարդ աղջիկներ դիմեցին ինձ՝ ստորագրելու ինչ-որ ցուցակ: Պարզվեց՝ մեր երիտասարդները ստորագրահավաքի ակցիա են անցկացնում՝ Հայաստանը հեղեղած աղանդավորների նկատմամբ լուրջ միջոցներ ձեռնարկելու պահանջով:

Ես չիմացա՝ ում էր ուղղված այդ կոչ-պահանջը՝ իշխանություններին, Առաքելական սուրբ եկեղեցուն: Նաև չգիտեմ՝ ինչ օգուտ է տալու այդ ստորագրահավաքը, սակայն որ երիտասարդությունն է այսօր ընդվզում աղանդավորների դեմ, ինձ համար անչափ կարևոր և ուրախալի փաստ է: Ձի իսկապես համբերության բաժակը լցված է. երկու միլիոնից մի քիչ ավելի բնակչություն ունեցող մեր երկրում կա 360 հազարից ավելի աղանդավոր:

Տարբեր անուններով այդ աղանդները, որոնցից շատերը խնդիր ունեն անգամ խարխելու մեր պետության հիմքերը, հայ մարդուն դարձնելու հայրենիք ու ազգություն չճանաչող զոմբի, անպատիժ, լպիրշ, ագրեսիվ և լկտի, ազատ, անվախ, անպարկեշտ, աներես ու հարձակողական, պնդաճակատ գրոհում են մարդկանց բնակարանները, փողոցներում, հասարակական վայրերում անթաքույց հոգիներ են որսում, խեղում մարդկանց, հատկապես երեխաների ուղեղները, ինքնասպանության, պոռնկության դրդում, հավատալու և ազգության դարձնում և, եթե պետք է, եկեղեցու բակում հայ հոգևորական ծեծում:

Այլ խոսքով՝ ամենաթողություն է, վիուկների խրախճանք: Ցավով պիտի փաստենք, որ այս հանգամանքը ոչ մեկին չի անհանգստացնում:

Մեր իշխանությունները եվրոպային դուր գալու համար զանազան կոնվենցիաներ են ստորագրում՝ մարդու իրավունքների, խղճի, դավանանքի, ազատության, ժողովրդավարության վերաբերյալ և առանց բացառության գրանցում, իրավական արտոնություններ նվիրում ամեն տեսակ թափփուկների, վնասակար, բռնամի աղանդների, որոնք էլ, այդ իրավունքը դրոշ դարձրած, անույն են իրենց սև, չարագույժ գործը: Չենք ուզում կրկնել, սակայն հարկադրված ենք՝ այսօր նրանք քանդում-ավերում են մեր ինքնությունը պահպանող բոլոր կոլանները: Նրանք անպատժելի են, ունեն հսկայական ֆինանսական հնարավորություններ և ծրագրված գործունեություն են իրականացնում՝ նպատակաճանաչ սասանելու մեր ազգային պետության հիմքերը, այլասերելու, աղավաղելու հայի ազգային նկարագիրը, ասել է՝ բացահայտ վնասակար են մեզ համար: 5-րդ դարում հայ ժողովուրդն ազգովի կռվի ելավ



պարսից արքայի հավատալուցության պահանջի դեմ: Հայ Առաքելական սուրբ եկեղեցու հոգևոր աշխատակիցները, ինչ էլ ըստ անույն Չեր հոտը պահպանելու համար, չէ՛ որ մայր եկեղեցուց խլում, տանում, հափշտակում են հայ քրիստոնյաներին, կողոպտում են ազգը, եկեղեցին, մեր սուրբ հավատը, որը մեզ պաշտպանել է, օգնել, որ մենք հայ մնանք:

Սբ. Էջմիածինը, փոխանակ վճռական միջոցներ ձեռնարկելու այս աղետի դեմ, ամեն տարի ու ամիս նոր եկեղեցի է բացում, օրհնում: Չեզ չի՝ թվում, որ մի քիչ շատ են խրախուսվում տարբեր մեծահարուստների անունով եկեղեցիներ կառուցելու փառասիրական նկրտումները: Իր ժամանակին Մեծն Ջիվանին ասում էր.

Իրենք հաց չունեն ուտելու համար.

Յոթ հատ վանք են կառուցել, խելքի աշեցեք:

Այո՛, խելքի եկեք: Մի՞թե չի կարելի այդ նվիրատուներին հորդորել, որ եկեղեցու փոխարեն շենքեր կառուցեն և բնակարան տան հազարավոր անտուններին, որոնք հաճախ նաև տուն չունենալու պատճառով են դառնում աղանդավոր կամ բռնում պանդխտության ճամփան: Կամ եթե դրան կա, նորոգենք մեր պատմական հուշարձանները՝ Սանահինը, Հաղպատը և այլն, որոնք ավերվում են:

Հավատացնում եմ Չեզ, սուրբ հայրեր, մեր եկեղեցիներն առայժմ մեզ լիովին բավական են, դուք կովե՛ք, պայքարե՛ք, մարտնչե՛ք մոլորալներին հավատի բերելու, վերադարձնելու համար: Թե չէ, մեկ էլ կտեսնեք, որ այդ 360 հազարից ավելի թիվը վաղը կդառնա կես, մեկ միլիոն, իսկ վերջում՝ այլևս ոչինչ...

Մենք, դժբախտաբար, թշնամիներով շրջապատված, պատերազմական վիճակում գտնվող երկիր ենք: Մեզ հայրենիքի պաշտպան գինավորներ են պետք: Աղանդները մեզնից գողանում են նաև մեր այսօրվա, վաղվա հայրենիքի գինավորներին: Չէ՛ որ սա մեծ աղետ է, սպառնալիք: Աղանդավորների համար մեր հույժ ժողովրդավար երկիրն այլընտրանքային ծառայության արտոնություն է սահմանել՝ 2005 թվականից: Հիմա 2011 թվականն է, և մինչև օրս ոչ մի աղանդավոր չի օգտվել այդ իրավունքից, չի ծառայել: Եվ ոչ մի վերաբերմունք, ոչ մի արձագանք մեր իշխանությունների, օրենսդիր մարմնի կողմից: Չէ՛ որ նրանք ենթակա են դատական պատասխանատվության:

Ստեղծված վիճակն անպայման տագնապալի է: Եվ անչափ ուրախալի է, որ խնդիրն անհանգստացրել է մեր երիտասարդներին, որոնք ստորագրահավաք են անցկացնում՝ աղետալի այս երևույթի առաջն առնելու պահանջով: Շատ կցանկանայինք, որ մեր երիտասարդները հետևողական լինեն այս հարցում:

Մի կարևոր հանգամանք ևս: Այս անիծյալ աղանդների շատ առաջնորդներ հաճախ իրենց հետևորդներին գուժում են աշխարհի վերջը՝ օրով, ժամով: Իսկ նրանց հավատացողները՝ համոզված աշխարհի մոտավոր վախճանով, ինքնասպանություններ են գործում, հանցագործություններ կատարում և չգիտեն, թե էլ ինչ: Այդ վիուկները ժամանակ առ ժամանակ կռավում են աշխարհի վերջի, Փրկչի երկրորդ գալստյան մասին:

Վերջերս նայեցի Միացյալ Նահանգներում նկարված մի հեռուստատեսային ռեպորտաժ: Հարցը մեկն էր.

- Հավատո՞ւմ եք, որ գալու է աշխարհի վերջը:

Պարզվեց, որ շատերն են հավատում այդ լուրին, որի «մարգարեն» ինչ-որ աղանդի առաջնորդ, 89-ամյա Հարոլդ Քենպինգն է: Ըստ նրա՝ մայիսի 21-ին աշխարհը պիտի կործանվեր, սակայն երբ անցավ այդ օրը, դժոխքի ներկայացուցիչ, խելապակաս վիուկը մի քանի ամսով հետաձգեց այդ վերջը:

Ի լուր բոլոր աղանդավորների և այն պարզամիտների, որոնք հավատում են նման դժոխքի գուշակների, մեջբերում ենք Հիսուս Քրիստոսի խոսքերն իր երկրորդ գալստյան մասին.

«Այդ օրվա և ժամի մասին ոչ ոք չգիտի, ոչ էլ անգամ երկնային հրեշտակները, գիտե միայն Իմ Հայրը միակ...»:

Իմ համոզմամբ, հայ երիտասարդների ստորագրահավաքն ունի մի կարևոր խնդիր և պահանջ իշխանություններից, եկեղեցուց.

- ՓՐԿԵՑԵ՛Ք ՉՄԵԶ Ի ՉՄՐԵ...



ՀՀ ԳԱՄ ԱՐՏԱՍԱՀՄԱՆՅԱՆ ԱՆԴԱՄՆԵՐԻ ՀԱՆՐԱԳԻՏԱՐԱՆ

Ներկայացնում է ՀՀ ԳԱՄ սփյուռքի բաժինը



րում, միջազգային իրավական ատյաններում: Շուրջ քսան տարի նա դասախոսել է ամերիկյան բուհերում՝ Նյու Յորքի պետական համալսարանում, Հարվարդի համալսարանում, ինչպես նաև Միջին Արևելքի ուսումնագիտական և Ասասալուստի տեխնոլոգիական ինստիտուտի միջազգային ուսումնասիրությունների կենտրոններում: Նա դասախոսություններով հանդես է եկել նաև Գերմանիայի, Շվեյցարիայի, Իտալիայի, Շվեդիայի, Հոլանդիայի, Բելգիայի և այլ երկրների առաջատար համալսարաններում, ինչպես նաև ՅՈՒՆԵՍԿՕ-ի փարիզյան գրասենյակում:

Դասախոսական գործունեությանը զուգահեռ պրոֆեսոր Տատրյանն իր կոչումը տեսնում է տարբեր երկրների արխիվային նյութերի ուսումնասիրության միջոցով Հա-

տարբեր դրվագների ուսումնասիրմանն են նվիրված Վահագն Տատրյանի երկու տասնյակից ավելի մենագրությունները և հարյուրից ավելի հոդվածները, որոնք հրատարակվել են անգլերենով, ֆրանսերենով, թուրքերենով, գերմաներենով, ռուսերենով, հայերենով և այլ լեզուներով: Հարկ է առանձնահատուկ նշել Վ. Տատրյանի 1995 թվականին Ստամբուլում թուրքերենով հրատարակված «Ցեղասպանությունը որպես ազգային և միջազգային իրավունքի խնդիր: Հայկական հարցն Առաջին համաշխարհային պատերազմի ընթացքում և դրա արդի իրավական հետևանքները» խորագիրը կրող մենագրության մասին: Այդ գիրքը սկզբում դատարանի որոշմամբ արգելվեց, սակայն այդ արգելքը վերացվեց թուրքական վճռաբեկ դատարանի որոշմամբ:

Պրոֆեսոր Տատրյանի հրատարակած աշխատություններից առանցքային է 1995 թվականին Անգլիայում լույս ընծայված «Հայոց ցեղասպանության պատմությունը (Եթնիկական ընդհարումները Բալկաններից մինչև Ամատոլիա)» մենագրությունը՝ հեղինակի քսան տարվա ուսումնասիրությունների համագումարը: Այդ գրքում հեղինակը հետապնդել է երկու հիմնական նպատակ.

1. Արխիվային և փաստական հարուստ նյութի հիման վրա ուսումնասիրել և բացահայտել Առաջին համաշխարհային պատերազմի ընթացքում իրականացված Հայոց ցեղասպանությունը.

2. Ներկայացնել Հայոց ցեղասպանության պատմական գնահատականը:

Նույն թվականին հրատարակվում է նաև «Հայկական ցեղասպանությունը խորհրդարանային և պատմագիտական քննարկումներով» ուսումնասիրությունը:

1996 թվականին Ամերիկայի Սիացյալ Նահանգներում հրատարակվեց պրոֆեսոր Տատրյանի մեկ այլ մեծակտավ աշխատությունը՝ «Գերմանիայի պատասխանատվությունը Հայոց ցեղասպանության մեջ» մենագրությունը, որտեղ հեղինակը փաստական նյութի հիման վրա բացահայտել է Առաջին համաշխարհային պատերազմի ժամանակ Օսմանյան կայսրության դաշնակից Կայսերական Գերմանիայի դերակատարությունը և պատասխանատվությունը Հայոց ցեղասպանության իրականացման գործում:

1999 թվականին լույս է տեսնում երկու արժեքավոր մենագրություն՝ «Ցեղասպանության երաշխիք. հայ-թուրքական կոնֆլիկտի առանցքային բաղադրիչները» և «Հայոց ցեղասպանության թուրքական ժխտման առանցքային բաղադրիչները»:

Պրոֆեսոր Տատրյանի հեղինակած ու-

սումնասիրությունների ցանկը կարելի է երկար շարունակել, սակայն բավարարվենք այսքանով:

Վահագն Տատրյանը մշտապես սերտ կապերի մեջ է Հայաստանի հետ:

Հաշվի առնելով Վահագն Տատրյանի վիթխարի դերակատարումը պատմագիտության, Հայոց ցեղասպանության պատմության ուսումնասիրման և լուսաբանման մեջ՝ ՀՀ գիտությունների ազգային ակադեմիան 1995 թվականին նրան շնորհել է ՀՀ ԳԱՄ Պատվավոր դոկտորի կոչում: 1998 թվականին պրոֆեսոր Տատրյանը Հայաստանի Հանրապետության նախագահի կողմից պարգևատրվել է «Մովսես Խորենացի» մեդալով:

Բարձր գնահատելով Վահագն Տատրյանի գիտնականի մեծ ծառայությունները և սերտ կապերը Հայաստանի հետ՝ ՀՀ գիտությունների ազգային ակադեմիան 1998 թվականին նրան ընտրել է ՀՀ ԳԱՄ արտասահմանյան անդամ:

Հայոց ցեղասպանության 90-ամյա տարելիցի կապակցությամբ 2005թ. ապրիլին Հայաստանում կարդացած դասախոսություններից հետո Հայաստանի չորս համալսարանների կողմից Տատրյանը հռչակվել է պատվավոր պրոֆեսոր և արժանացել երեք ոսկե մեդալի:

2009 թվականին նա մասնակցել է ՀՀ ԳԱՄ Հայոց ցեղասպանության թանգարան-ինստիտուտի կազմակերպած միջազգային գիտաժողովին՝ նվիրված Ադամայի ջարդերի 100-ամյա տարելիցին: Այդ գիտաժողովում պրոֆեսորը ներկայացրել է «Հետադարձ հայացք 1909թ. Ադամայի երկու կոտորածներին» արժեքավոր զեկույցը: Բացի այդ, նույն ժամանակ Վահագն Տատրյանը Հայոց ցեղասպանության թանգարան-ինստիտուտում ներկայացրել է հրապարակային դասախոսությունների շարք՝ նվիրված Հայոց ցեղասպանության տարբեր հիմնախնդիրներին:

Ներկայումս պրոֆեսոր Տատրյանը բնակվում է ԱՄՆ-ում և ղեկավարում է «Զորյան» ինստիտուտի Ցեղասպանության ուսումնասիրության կենտրոնը:

Այսօր էլ մեծանուն գիտնականը շարունակում է համագործակցել ՀՀ գիտակրթական կազմակերպությունների հետ և իր ազգամեր գիտական գործունեությամբ մեծապես նպաստել Հայոց ցեղասպանության միջազգային ճանաչման գործընթացին:

Օրերս լրացավ մեծանուն գիտնականի ծննդյան 85-ամյակը: Ջերմորեն շնորհավորում ենք ակադավոր պատմաբանին, ցանկանում քաջառողջություն և ամենալուսավոր ու պայծառ:

Վահագն ՏԱՏՐՅԱՆ

Մեծանուն գիտնական, նշանավոր ցեղասպանագետ և Հայոց ցեղասպանության պատմության նշանավոր գիտակ, ՀՀ ԳԱՄ արտասահմանյան անդամ, փիլիսոփայության և սոցիոլոգիայի դոկտոր, պրոֆեսոր Վահագն Տատրյանը ծնվել է 1926 թվականի մայիսի 26-ին Կոստանդնուպոլսում (Ստամբուլ):

Պրոֆեսոր Տատրյանը բազմակողմանի կրթություն է ստացել Եվրոպայում և ԱՄՆ-ում: Նախ նա մաթեմատիկա է ուսանել Բեռլինի համալսարանում, ապա պատմություն՝ Վիեննայի համալսարանում և միջազգային իրավունք՝ Ցյուրիխի համալսարանում: Տեղափոխվելով Ամերիկայի Միացյալ Նահանգներ՝ Տատրյանը շարունակել է իր ուսումը Չիկագոյի համալսարանում ստանալով փիլիսոփայության և սոցիոլոգիայի դոկտորի գիտական աստիճան: Դրան զուգահեռ Վ. Տատրյանը մեծ ուշադրություն է դարձրել լեզուների ուսումնասիրմանը: Նա ազատորեն տիրապետում է անգլերենին, գերմաներենին, ֆրանսերենին, օսմաներենին, ինչպես նաև ժամանակակից թուրքերենին և հայերենին, որի շնորհիվ մեծածավալ ուսումնասիրություններ է կատարել տարբեր երկրների արխիվներում:

Ստեղծելով հիմնարար կրթություն և ունենալով լեզուների փայլուն իմացություն՝ Տատրյանը հնարավոր է հաջողությամբ դասախոսական աշխատանք է կատարում: Ցեղասպանության հարցերին նվիրված դասախոսություններով նա հանդես է եկել աշխարհի բազմաթիվ համալսարաններում, գիտական և հասարակական կենտրոններում:

Հայոց ցեղասպանության և հիմնախնդիրների լուսաբանման մեջ: Մասնավորապես, երկար տարիներ նա ղեկավարել է «Guggenheim» հիմնադրամի կողմից հովանավորվող «Ցեղասպանության ուսումնասիրման» լայնածավալ նախագիծը:

Պրոֆեսոր Տատրյանն առաջին հայ գիտնականն էր, ով 1995 թվականին Հայոց ցեղասպանության 80-րդ տարելիցի կապակցությամբ հրավիրվեց Բրիտանական խորհրդարանի Համայնքների պալատ՝ դասախոսություն կարդալու:

Պրոֆեսոր Տատրյանի գիտական ուսումնասիրությունների ոլորտն ընդգրկում են ցեղասպանագիտական ուսումնասիրությունները՝ ինտելեկտուալ և քաղաքականության պատմության, համեմատական ցեղասպանագիտության հարցերի, ցեղասպանության իրավական, հոգեբանական տեսանկյունների ուսումնասիրությունը և վերլուծությունը: Նրա ավանդն այդ հարցերի հետազոտման մեջ, հիմնական, վիթխարի է: Հենց նրա գիտական գործունեության արդյունքում Հայոց ցեղասպանության պատմության ուսումնասիրությունը հուզականից տեղափոխվեց գիտական մակարդակ, ինչը մեծապես նպաստեց հարցի ուսումնասիրման միջազգայնացմանը և միջազգային գիտական համայնքում ընկալելի դարձնելուն: Կարելի է միանշանակ փաստել, որ գիտական և հասարակական իր գործունեության շնորհիվ Վահագն Տատրյանը մեծապես նպաստել է Հայոց ցեղասպանության միջազգային ճանաչման գործընթացին:

Հայոց ցեղասպանության պատմության

Կլոր սեղան ԳԱՄ արևելագիտության ինստիտուտում

2011 թ. հունիսի 12-ին Թուրքիայում տեղի ունեցավ խորհրդարանական ընտրություններ: Այդ կապակցությամբ հունիսի 8-ին ՀՀ ԳԱՄ արևելագիտության ինստիտուտի նիստերի դալիժում տեղի ունեցավ կլոր սեղանի քննարկում՝ «Թուրքիան ընտրությունների նախաշեմին» խորագրով:

ԶԼՄ-ների ներկայացուցիչների մասնակցությամբ կայացավ կլոր սեղանի քննարկումը բացեց Արևելագիտության ինստիտուտի տնօրեն, ՀՀ ԳԱՄ թղթակից անդամ Ռուբեն Սաֆորասյանը: Նա նշեց, որ Թուրքիայում ընտրապայքարն անցնում է լարված մթնոլորտում: Եվ չնայած ընտրապայքարին մասնակցում են 15 կուսակցություններ, սակայն ներկայիս կառավարող «Արդարություն և զարգացում» կուսակցության հաղթանակն անխուսափելի է:

Այնուհետև սպասվող խորհրդարանական ընտրությունների վերաբերյալ իրենց դիտարկումները ներկայացրին Արևելագիտության ինստիտուտի Թուրքիայի բաժնի գիտաշխատողներ Վահրամ Տեր-Մաթևոսյանը (պ.գ.թ.), Անուշ Հովհաննիսյանը և Տաթևիկ Մանուկյանը:

Վ. Տեր-Մաթևոսյանն անդրադարձավ Թուրքիայում գործող կուսակցությունների միջև ընթացող ընտրապայքարին նշելով, որ Թուրքիայի համար գալիք ընտրություններն առանձնահատուկ են մի շարք առումներով: Նա ուշադրություն հրավիրեց այն փաստի վրա, որ երկրի առաջատար կուսակցու-



յուններն ընտրությունների են գնում թեկնածուների քարոզման գուցակներով: Նախ այս ընտրություններին չեն ներկայացվել իշխանամետ «Արդարություն և զարգացում» կուսակցության խորհրդարանական խմբակցության կազմում գործող 164 պատգամավորների թեկնածուները, իսկ «Հանրապետական ժողովրդավարական» կուսակցության 101 գործող պատգամավորներից միայն 23-ն են ընդգրկվել նախընտրական ցուցակում:

Ա. Հովհաննիսյանն էլ, խոսելով ընտրապայքարում առաջ քաշված երկրի արտաքին քաղաքականությանը վերաբերող ծրագրերի մասին, նկատեց, որ Թուրքիայի կուսակցություններից յուրաքանչյուրն ընտրազանգվածին առաջարկում է զարգացման տեխնիկական մոդել: Ըստ նրա՝ ԱԶԿ-ն հանդես է գալիս բավական իավակնոտ արտաքին քաղաքական ծրագ-

րով՝ ընտրողներին խոստանալով մոտակա տարիներին Թուրքիան դարձնել ոչ միայն տարածաշրջանային, այլև գլոբալ մասշտաբով եղանակ ստեղծող պետություն: Ի տարբերություն ԱԶԿ-ի ՀԺԿ ծրագիրը Թուրքիայի համար ավելի համեստ դեր է նախատեսում համաշխարհային քաղաքականության մեջ:

Տ. Մանուկյանն էլ նշեց, որ Թուրքիայի խորհրդարանական ընտրություններում ամենախաղեպ հետաքրքրություն կա քրդական գործոնի նկատմամբ: Նրա դիտարկմամբ այս ընտրություններում ակնհայտ դարձավ, որ քրդական կուսակցությունները միասնական ցուցակով չեն կարող հաղթահարել 10 տոկոսանոց շեմը, և այդ պատճառով իշխանություններից պահանջում են սահմանել 5 տոկոսանոց շեմ: Փորձագետի կարծիքով դա ստիպել է քրդամետ կուսակցություններին միավորվել մի պլատֆորմի մեջ, որը կոչվում է «Աշխատավորական ազատությունների և ժողովրդավարության ճակատ»: Այս ուժը ընտրություններին ներկայացրել է 60 թեկնածու, հավակնում է ստանալ 35-40 մանդատ:

Կլոր սեղանի մասնակիցները հանգեցին այն գնահատականին, որ ներկայիս իշխանամետ «Արդարություն և զարգացում» կուսակցությունը շարունակում է մնալ խորհրդարանում մեծամասնություն կազմելու ամենահավանական տարբերակը: Որպես կարևոր առանձնահատկություն՝ նշեցին նաև այն հանգամանքը, որ ընտրապայքարն անցնում է երկրի քաղաքական կյանքում զգալի ազդեցություն ունեցող զինվորական վրա ամենախաղեպ ճնշումների ներքո:



սուն տարիների ընթացքում Օհանյանը իրականացրեց մոտ երեք հարյուր ներկայացում, որոնց գրական նյութը, եզրակացությունները համառոտաբար հիմնականում լինելով անծանոթ, գրավիչ էր իր նորությամբ. «թերևս պետական թատրոն մը չունի նմանօրինակ խաղացանկ մը»,- գրում է «Արաքս» թերթը:

Արաքսի Օհանյանը, այսպիսով, իր գործունեության սկզբնական շրջանում նախապատվությունը տալիս էր դրամատիկ գործերին (Լ. Տոլստոյ, «Հարություն», Ալ. Շիրվանզադե, «Նամուս», Վ. Դյուգո, «Էմմանի», Ալ. Դյումա-որդի, «Քամելիազարդ տիկինը» և այլն): Դրանց զուգահեռ ժամային առումով միանգամայն տարբեր երկերի ընտրություն, որն իր հակասականությամբ, արտիստիկոս

հավատարիմ Սիրանուշներու ավանդության - հասած է մակարդակի մը, որ զինք իրավամբ կրնա արվեստագիտուհիի տիտղոսին արժանացնել: Մեր բեմի աշխատավորները պետք է օգտվին Տիկ. Օհանյանի կարողություններն առավելագույնս:

Արաքսի Օհանյանը, այսպիսով, արժանացավ Սիրանուշի հաջորդը ճանաչվելու պատվին: Հաստատուն մի իրավիճակի, որը նրան հնարավորություն կընձեռեր լինելու հետևողական ոչ միայն թեմատիկ, այլև ժանրային առումներով: Մինչդեռ «Հովհարին» հետևեց բեմադրությունների մի շարք, որը հակառակի ապացույցն էր և ուներ իր պատճառաբանումը:

1930-ականների վերջերին եզրակացությանը հնարավորություն ունեցան դիտելու Դ. Բեկմազարյա-

րասանուհու, նա երաժշտական թատրոնով հրապուրվեց իր ստեղծագործական կյանքի վերջին շրջանում:

Այստեղի հայ թատերական շարժումն սկիզբ է առել XIX դարի վերջերին, երբ Սերովյե Պենկյանի օպերետային թատերախումբը հյուրախաղերով հանդես եկավ Կահիրեի «Էգեթիկե» և Արքունական օպերային թատրոններում (1895): Տիգրան Չուխաճյանի «Լեբլեբիջի Դոր-հոր աղա» օպերետը մյուս գործերի կողքին գերեց տեղի հանդիսատեսին: Գլխավոր Ֆաթիմեի դերակատարն էր երիտասարդ Սիրանուշը, իսկ Դոր-հոր աղայի դերում անգերազանցելի էր Ս. Պենկյանը: Երկրորդ, նույնքան նշանակալից հյուրախաղերից հետո «Լեբլեբիջի Դոր-հոր աղա» դարձավ եզրակացության համայնքի թատերական կյանքի մշտական ուղեկիցը, սեփական գլխավոր դերակատարներ ունենալուց բացի (Ռոզա Դովհաննիսյան, Լևոն Շիշմանյան, Արփիար Վարդյան), որոշելով նաև տեղի բեմադրատի գարգացման հիմնական ուղիները: Օհանյանի «Սայաթ-Նովա» օպերետն, այսպիսով, արտիստիկոս հերթական ստեղծագործական քայլը լինելուց բացի, նաև եզրակացության հայ թատրոնի բնական ընթացքի դրսևորումներից էր:

Օպերետն ունեցավ անսխառեպ հաջողություն: Երկու տարի շարունակ չփոխելով համայնքի բեմերից՝ 1960-ին ներկայացվեց Կահիրեի արքունական օպերային թատրոնում հիշեցնելով Ս. Պենկյանի օպերետային խմբի հյուրախաղերի օրերը: Թատերախումբերը, չթաքցնելով իրենց հիացմունքը, դերասաններից յուրաքանչյուրին ներկայացրին Սայաթ-Նովայի երգերից վերցված չափածո տողերով: Գլխավոր Սայաթ-Նովայի դերակատարն էր Վազգեն Փարթամյանը: Նա իր դերերը կատարեց հատուկ մեղմությամբ, ազգային շեշտադրումով՝ կերպարի հետ հասնելով լիակատար նույնացման: «Մեր գաղութին Սայաթը դարձած է: Ուր որ երթա՝ զայն Սայաթ կկոչեն»:

«Սայաթ-Նովայից» հետո Արաքսի Օհանյանը բեմադրեց հաջիկ Սանդալյանի «Սոնյան» (1959): Դրամատիզմով լի մի ստեղծագործություն՝ զվարթ տրամադրություն խոստացող օպերետին հակասող իրադրությամբ: Գործող անձինք չնայած կոզակ զինվորականության միջավայրից են, բնավորության իրենց գծերով, նույնիսկ անուններով հիշեցնում են Ալ. Շիրվանզադեի «Զար ոգու» կերպարներին (մուրացիկ Գիթ Սերգեյ - Գիթ Դանել, Սոնյա - Սոնա, Սոնյայի ծնողները՝ բռնակալ հայր Վասիլը և հոգնատանջ մայրը՝ Տանյա Կատերինովան): Եվ սրա հետ մեկտեղ՝ սիրո մի պատմություն՝ օպերետի համար անսո-

վոր կրքերի դրսևորումներով, որը, սակայն, հերոսների ծանր փորձություններից հետո հանգում է իր բարեհաջող ավարտին:

Ներկայացումը, ազատվելով սյուժետային հիմնական գծից շեղող որոշ մանրամասնություններից, հեռանալով իր առաջին «ասիական օպերետ» հիշեցնող տարրերակից, միայն շահեց ծեռք բերելով ժամանակակից նկարագիր: Մնալով իր սկզբունքին հավատարիմ՝ բեմադրիչը բացահայտեց արտիստական մոր ուժերը: Վազգեն Փարթամյանը, մարմնավորելով Սայաթ-Նովայից միանգամայն տարբեր՝ հիսնամյա իվան Ալեքսեևի կերպարը, ծայրահեղ բացի, դրսևորեց նաև դրամատիկ դերասանի հատկանիշները: Առաջատար դիրք գրավելով խմբում՝ նա դարձավ համայնքի փնտրված դեմքերից մեկը: «Կսի-րենք մենք զայն»,- Գրվեց Փարթամյանի մասին: Իր ծայրին, խաղարկության, թե՛ նկարագրին համար: Խորքն Տեոնյանը, որը համեմատաբար հազվադեպ էր հանդես գալիս այլ խմբերում, հիմնականում մասնակցել է Օհանյանի բեմադրություններին: «Սոնյայում» նա ամենավերջին հարյուրամյա Վասիլի՝ ավանդապահ և պատվախնդիր հոր կերպարը: Ինքը՝ Ա. Օհանյանը, կատարեց Սոնյայի մոր՝ Տանյա Կատերինովայի դերը, իսկ հերոսուհու դերակատարն էր Լուիզ Յագուբյանը՝ հանդիսատեսին գերելով իր «ախորժավոր ծայրով»:

Այսպիսով, օպերետի և կատակերգության ժանրերում հասնելով հաջողության, Արաքսի Օհանյանը նախապատվությունը տվեց այս կարգի գործերին: Ըստ որում, եթե դրամայի և ողբերգության ասպարեզներում նա իրեն դրսևորեց իբրև դերասան, ապա երաժշտական թատրոնում իբրև հմուտ բեմադրիչ: «Սոնյային» հաջորդեցին Գրեմ-Սիմոնի «Դայի Կարապետ կամ Ամերիկահայ փեսացուն» կատակերգությունը (1960), Գ. Երիցյանի «Ուշ լինի, նուշ լինի» օպերետը (1961) և մի շարք այլ գործեր: Կյանքի վերջին տարիներին Օհանյանը հիմնականում զբաղվեց կազմակերպչական հարցերով: Նա կարողացավ չեզոքացնել եզրակացության թատրոնում հնարավոր լծացումն ու անկումը: Արաքսի Օհանյանի և նրա համախոհների ջանքերով թատրոնը շարունակեց գոյատևել արտաշխարհի մեկ հատվածում: Նա: Մի երկրում, որտեղ հայ համայնքի թատերական շարժումն իր սկիզբն առավ նաև Սիրանուշի արվեստով, և որն իր հետագա ընթացքը շարունակեց մեծագույն դերասանուհու արժանի արվեստագետի՝ Արաքսի Օհանյանի շնորհիվ:

Անահիտ ՉԹՅԱՆ
Արվեստագիտության թեկնածու

Եկարում. Արաքսի Օհանյանը
Համելտի դերում (1956)

ԱՐԱՔՍԻ ՕՀԱՆՅԱՆ.

ԵԳԻՊՏԱԷԼԱՅ ԹԱՏՐՈՆԻ ՍԻՐԱՆՈՒՅՆԵՐ

Նրան միշտ համեմատել են Սիրանուշի հետ. անսահման նվիրվածություն թատրոնին, արտիստական բացառիկ խառնվածք, ստեղծագործող մարդուն բնորոշ որոնումների նմանօրինակ ընթացք: Ժանրերի բազմազանություն՝ օպերետ, սալոնային մելոդրամա, դրամա, ողբերգություն, հետևաբար՝ նաև խաղացանկի նմանություն: Ի վերջո, մի դեր, որին հանդգնել են դիմել միայն իրենց ուժերին վստահ արվեստագետները: Արաքսի Օհանյանը, ինչպես և Սիրանուշը, խաղացել է Համելտ ունենալով այս քայլին դիմելու նույն շարժառիթները, արժանանալով հանդիսատեսների և քննադատության նույն՝ թերահավատ վերաբերմունքին:

Ա. Օհանյանը (Արաքսի Վարդյան, Վարդ-Օհանյան, 1911-1981) եզրակացության հայ թատրոնում հայտնվեց բախտորոշ մի ժամանակաշրջանում. հեռանում էր թատերական գործիչների առաջին սերունդը՝ Օննիկ Վուրթեր, Լևոն Շիշմանյան, Արփիար Վարդյան և ուրիշներ, իսկ հաջորդը դեռևս բավականաչափ պատրաստ չէր ինքնուրույն գործունեության համար: Թատրոնի, իսկ Սփյուռքի հայ թատրոնի համար առավել բարդ մի շրջան, երբ անհրաժեշտ են կազմակերպչի ունակություններով օժտված, բեմադրատի տարբեր ասպարեզներին գիտակ մարդիկ: Արաքսի Օհանյանը թատերական գործիչի հենց այդ տեսակն էր. նա թե՛ ռեժիսոր էր, թե՛ դերասան, թե՛ թատերագիր և թե՛ խմբի ղեկավար: Բեմական կյանքի իր քառա-

մշտական ստեղծագործական որոնումների վկայությունն էր: Օհանյանին, ի վերջո, հետաքրքրում էին անհատի և հասարակության բախումներին առնչվող հարցադրումները: Խնդիրներ, որոնք բխում էին նաև ժամանակի թատրոնի և թատերագրության պահանջներից: Աշխատելով այս ուղիով՝ Օհանյանը հանգեց ողբերգության ժանրին՝ միայն Վ. Շեքսպիրի «Համլետում» (1956) գտնելով իրեն հուզող հարցերի պատասխանը, քանի որ, ինչպես և Սիրանուշը, ուներ իր ներաշխարհում հուզմունքներ, ուներ ասելիք, որոնք չէին կարող արտահայտվել ոչ Մեդեայի, ոչ Մարգարիտ Գոթիեի, ոչ էլ մյուս նշանավոր խաղերով:

Հաջորդ՝ Ի. Ջիզզոզայի «Մադամ Բաթերֆլայ» և Օ. Ուայլդի «Հովհարը» («Լեդի Ուինդեմիրի հովհարը», 1957) պիեսների բեմադրությունները, լինելով արտիստիկոս հետաքրքրող բեմայի ևս մեկ արտահայտություն, ուշագրավ էին նաև իբրև ռեժիսորական աշխատանք: Այս առիթով էլ «Արևի» թղթակից Պարույր Մասիկյանը գրեց, որ Արաքսի Օհանյանին կարելի է համարել «...հարազատ հաջորդը հայ բեմին մեջ՝ Մեծն Սիրանուշի: (...) Խաղի ընթացքին հասարակությունը կգիտակցեր, թե կգտնվեր իսկական մեծ արվեստագիտուհիի մը դեմ հանդիման»։ «Եվ սխալ չէ ըսել, մեկ այլ առիթով գրում է «Արևը»,- որ միակ պրոֆեսիոնալ դերասանուհին է եզրակացության իրականության մեջ: (...) Տիկին Օհանյան -

նի «Պեպո» ժապավենը: Կինոնկարը, մեծ հետաքրքրության հետ մեկտեղ, շատերի համար մնաց անմոռելի: Հանդիսատեսը, չհասկանալով քիֆիսահայ բարբառը, դաժնից հեռանում էր հիասթափված: «Ան չէ ամա, ի՞նչ էլզու կխոսին կոր»,- հարցնում էին միմյանց: Ֆիլմից ստացած տպավորությունն Արաքսի Օհանյանն ընկալեց իբրև արվեստագետ, որը մշտապես մտածողված էր հայերենի երկու գրական լեզուների պահպանման և բեմից հնչեցնելու խնդիրներով: Տարիներ անց նա ստանձնեց գործի բեմադրությունն արևմտահայերենով՝ նպատակ ունենալով Սուրբուհյանի պիեսը եզրակացության մեղմությամբ ներկայացնելու մատչելի և հասկանալի լեզվով: Դժվարին մի գործ, որն Օհանյանին լիովին չհաջողվեց: Ներկայացումը (1957), զրկվելով ֆունկցիոնալ կարևոր նշանակություն ունեցող քիֆիսահայ բարբառից, անշուշտ, որոշակիորեն տուժեց: Այսուհանդերձ, «Պեպոն» ունեցավ իր դերը համայնքի թատերական կյանքում: Կատակերգության և օպերետի ժանրերը, որոնք տեղի թատրոնին բնորոշ էին սկզբնավորման իսկ օրերից, Արաքսի Օհանյանի շնորհիվ վերադարձրին իրենց առաջատար դիրքերը եզրակացության թատերական արվեստում: Մեկ տարի անց նա բեմադրեց իր իսկ հեղինակած «Սայաթ-Նովա» օպերետը (1958): Ուշագրավ է, որ օպերետի ժանրի ընտրությամբ նույնպես Արաքսի Օհանյանը նմանվեց Սիրանուշին, միայն, ի տարբերություն մեծ դե-

Օրերս լրացավ 77 գիտությունների ազգային ակադեմիայի ավտոմատ հեռախոսակայանի կապի բաժնի պետ Գրիշա Պողոսյանի ծննդյան 70 տարին:

Ակադեմիայի համակարգի հնագույն աշխատակիցները ջերմությամբ և սիրով են նշում այս տարելիցը, որովհետև տասնամյակներ շարունակ այդ համեստ, բարեհամբույր, պատրաստակամ և իր գործի հիմնադիր գիտակ Գրիշա Պողոսյանը նրանց համար եղել է մտերիմ.



Վարպետ Գրիշան 70 տարեկան է

հոգատար և սրտակից ընկեր՝ մեր Գրիշան:

Գրիշա Պողոսյանը գիտությունների ակադեմիայում սկսել է աշխատել ավելի քան 50 տարի առաջ: Նա և իր եղբայրներն այն տարիներին մոնտաժել են գրել ավտոմատ հեռախոսակայանը, որը տասնամյակներ շարունակ անխափան ծառայեց ակադեմիայի համակարգի աշխատողներին:

Աշխատանքին զուգընթաց Գրիշա Պողոսյանը սովորեց և ավարտեց Երևանի պետական համալսարանի ռադիոֆիզիկայի բաժինը՝ տեխնիկից աճելով մինչև ինժեներ և ապա կապի բաժնի պետ:

Ահա արդեն 52 տարի ակադեմիայի բակում, մասնաշենքերում կոլեկտիվի անդամները օրվա տարբեր ժամերի տեսնում են վարպետ Գրիշային՝ աշխատանքային կապույտ արտահագուստով, ինչ-որ գործիքներ ձեռքին, բարյացակամ, անբաժան ժպիտը դնելով, հարկից հարկ, աշխատասենյակից աշխատասենյակ շրջելիս՝ խափանված կապը վերականգնելու առաքելությամբ:

Գրիշա Պողոսյանի թերևս ամենագովելի հատկանիշն իր օգնությանը դիմողներին ամենիջպես արձագանքելն է, ըստ որում՝ զարմանալի պատրաստակամությամբ և սիրով:

Նրա ղեկավարած կապի բաժինը սպա-

սարկում է վիթխարի մի տարածք՝ հարյուրավոր հեռախոսներով, շենքից շենք, հարկից հարկ, սենյակից սենյակ անցնող լաբերով, որոնցից յուրաքանչյուրի նշանակությունը և ֆունկցիան ինքը գիտի, հիշում է ամենայն ճշգրտությամբ: Եվ չզրված օրենք է. ոչ մի հեռախոս երկար չի լռում ակադեմիայում, երբ այդ անսարքությունից տեղյակ է վարպետ Գրիշան:

Այսօր ակադեմիայի համակարգի բոլոր աշխատակիցների անունից սրտանց շնորհավորենք մեր սիրելի վարպետ Գրիշային նրա 70-ամյա հոբելյանի առթիվ, մաղթենք նրան քաջառողջություն, երկար տարիների կյանք և անսպառ եռանդ, որպեսզի նա դեռ երկար ծառայի ակադեմիայի կոլեկտիվին, և մենք դեռ երկար վայելենք նրա բարի ներկայությունը:

Լեոնիդ ՀԱՆՎԵՐԴՅԱՆ

Վերջերս Մոսկվայում ոռոսաց լեզվով լույս է տեսել հայերի արձակագիր Ռոբերտ Կարայանի «Փրկություն» («Спасение») վեպը: Ողջունելի և կարևոր իրադարձություն, քանի որ վեպի թեման մեր ժողովրդի պարմության ամենաճակարագրական պահի՝ Սարդարապատի ճակատամարտի՝ մեր ժողովրդի հերոսական սխրանքի ասքն է, հաղթանակի, որը վիժեցրեց թուրք մարդասպանների դիվանի ծրագիրը՝ ոչնչացնել Եղեռնը վերապրած մեր ժողովրդի վերջին պարաոնիկներին: Հայ ժողովրդի համար բախտորոշ այս իրադարձությունները պարկերոդ պարունի լույսընծայումը ոռուերենով անչափ կարևոր է և ողջունելի: Վերջապես օտար ընթերցողը հնարավորություն կունենա ծանոթանալու թուրք ջարդարարների վայրագություններին և հաղորդակցվելու հայ ժողովրդի ոգու թոփքին: Ժողովուրդ, որ կարողացավ ուժերի գերազույն լարումով վեր հանել մոխիրներից և բռունցքվել հանուն հայրենիքի փրկության: Ողջունելով Ռոբերտ Կարայանի «Спасение» վեպի ոռուերեն իրադարձությունը՝ նպարակահարմար գրանք փայագրելու ՀՀ ԳԱԱ ակադեմիկոս, ցավոք արդեն հանգուցյալ Սևակ Արզումանյանի՝ «Փրկություն» վեպի մասին ժամանակին գրված գրախոսությունը:



Սևակ Արզումանյանի «Փրկություն» վեպի մասին ժամանակին գրված գրախոսությունը:

Սևակ ԱՐԶՈՒՄԱՆՅԱՆ

Մեծ գոյամարտի վիպականագումը

Ավելի քան մեկուկես տասնամյակի համառ պրպտումների, զեղարվեստական որոնումների արգասիք է «Փրկություն» վեպը: Լուրջ մտահղացումը հեղինակին տարել է դեպի արխիվային-փաստական նյութի ուսումնասիրությունը, պատմագիտական աղբյուրների հետախուզումները, ժամանակակիցների վկայությունների ու հուշագրական խախտաբղետ գրականության յուրովի զննում-դիտարկումները: Ռոբերտ Կարայանի մոտեցման, նյութի զեղարվեստական մշակման հիմքում ընկած է, անշուշտ, պատմական դեպքերին ու երևույթներին հարազատ մնալու սկզբունքը: Նա անկաշկանդ ու շատ տեղին օգտվում է պատմական վավերաթղթերից, դեպքերի հավաստության նպատակով դիմում է նշանավոր մարդկանց, քաղաքական ու հասարակական գործիչների ասույթներին, ծգտում է երկի ճշմարտացիությունը հաստատել պատմական ճշմարտության հայտնաբերումով: Համենայն դեպս՝ վիպական գործողությունների մի ամբողջ շղթա՝ գորավար Անդրանիկի հերոսական արարքները, մի կողմից դաշնակցության հետ ունեցած սկզբունքային բախում-տարածայնությունները, ապա՝ գծությունը, մյուս կողմից՝ դեպի Բաքվի կոմունան ու Ստեփան Ծախումյանի հեղափոխական գործն ունեցած վերաբերմունքը, նրա ոռուական կողմնորոշումը, Սարդարապատի ժողովրդական անօրինակ գոյամարտի դրվագները, մայիսյան դեպքերը, դաշնակցության ավանտյուրայի ու նրա լիկվիդացման որոշ մանրամասներ, 11-րդ բանակի մուտքը Հայաստան, Թուրքիայի կառավարող շրջանների վայրագությունները և, բնականաբար, այս ամենի առնչություններով հանդես եկած իրական-պատմական բազմաթիվ դեմքեր խորապես հավաստի են, ստուգապատում: Վեպի սյուժետային այս տարածքներում հեղինակը հավատարիմ է պատմականու-

յանը: Սակայն, պետք է խոստովանել, որ նա հիմնովին չի տրվում պատմական փաստերին, զերի չի մնում իրական անցքերին և վավերական դեպքերի ընթացքին, երևակայության ուժով հանում է ժամանակի ու պատմության համար կարևոր ու կենսական: Այստեղ էլ հենց թաքնված է եղել առավել դժվար խնդիրը, չէ՞ որ ողբերգական ու հերոսական այս տարիների դեպքերն ու հերոսները այնպիսի գին ունեն սերունդների կենդանի հիշողության մեջ, այնքան խոր նստվածք են տվել, ավելին՝ այնքան որոշակի ու հաստատուն տեղ են զբաղեցնում մեր պատմության մատյանում, որ փոքր ու մեծ ամեն մի շեղում կդիտվեր պատմության աղավաղում, առաջ կբերեր թեր ու դեմ կարծիքների հեղեղ: Այսինքն, կասկածի տակ կառնվել գլխավորը՝ պատմական ճշմարտությունը: Այստեղից և թեմայի բարդությունն ու, դրանով պայմանավորված, հեղինակի ստեղծագործական երկարամյա աշխատանքը: Միագիծ ու միապլան չէ «Փրկություն» վեպը: Բազմաշերտ ու բազմաճյուղ սյուժետային զարգացմամբ ստեղծագործության մեջ միախուլվում են մեր ժողովրդի պատմական ճակատագրի դիտակետից՝ այնքան սուր ու դրամատիկ իրադարձություններ, անցքեր ու եղելություններ: Բայց վեպի հանգույցը, անկասկած, Սարդարապատի նշանավոր ճակատամարտի նկարագրությունն է, որը հենց գրողի լուրջ հաջողության և ստեղծագործական հասունության անուրանալի հավաստումն է: Ստեղծագործությունը ժանրային բնույթով կարելի է կոչել վեպ-ժամանակագրություն: Եվ ժամանակի արտացոլը՝ ազգային-քաղաքական, հասարակական-բարոյական բնորոշ առանձնահատկություններով, հիմնականում ստացվել է զեղարվեստորեն համոզիչ: Ռոբերտ Կարայանը շոշափելի պատկերներում տալիս է թուրք

խուժանի վայրենի ցեղասպանության ծանրածանր պատկերը, հայ աշխատավորական զանգվածների անհուն տառապանքները: Ստեղծագործության գլուխներից մեկի համար բնաբան դարձնելով Վիկտոր Հյուգոյի չափազանց դիպուկ այս նկատումը. «...Ամեն ինչ ավերակների և սգի մեջ է, թուրքերն անցել են այստեղով», Ռոբերտ Կարայանը տեսանելի է դարձնում, հաստատում ֆրանսիացի մեծ վիպասանի միտքը: Երկիրը լցվել է արյան բաղնիքներով, ժողովուրդը բռնել է զաղթականի երկար ու մաշող ճանապարհը: Ռոբերտ Կարայանը ցնցող ու ճշմարտացի նկարագրական հնարներով բացահայտում է թուրք կառավարող շրջանների անամոթ քաղաքականությունը, նրանք օրը ցերեկով սպանող են կազմակերպում, բայց և ապշահար աշխարհի առջև կուրծք ծեծում իրենց անմեղության ու արդարության թմբկահարումով: Իսկ աշխարհը, խոստումնառատ Եվրոպան անտարբեր լսում են մորթվող մի ժողովրդի լացն ու հառաչանքը: Վեպի գաղափարական ու զեղարվեստական ներքին պաթոսի համար անչափ կարևոր է հեղինակային հայացքի հստակությունը, որն արտահայտվում է ժամանակի պատմական մեծ ճշմարտության արտացոլմամբ: Այդ ճշմարտությունն անսքող ու աներկմիտ խոստովանել են հայ ժողովրդի առաջադեմ զավակները՝ Ծախումյանն ու Սպանդարյանը, Մյասնիկյանն ու Սարգիս Կասյանը, տասնյակ ուրիշ հեղափոխական գործիչներ: «Հայ ժողովրդին տանջանքից և հառաչանքից կփրկի միայն այն աշխարհը, որի արշալույսը բացվել է ոռուական հյուսիսում: Միակ ելքը այդ է, ուրիշը չկա»: զեղարվեստորեն բացահայտելով այս ճշմարտության ազգային ու քաղաքական արմատները՝ արձակագիրը կոնկրետ հանգամանքների շիկացումով ցույց է տալիս, թե ինչպես են վեպի գլխավոր հերոսներից մի քա-

նիսը ոչ միայն հարում, այլև ուղղակի պաշտպանում ազգապաշտպան այդ սկզբունքը: Սա մի տեսակ դառնում է հիմնարար, ծրագրային կողմնորոշում և կարմիր թելի պես անցնում վեպի սկզբից մինչև վերջը: Հափազանց ուշագրավ է գորավար Անդրանիկի կերպարը: Գրողը նրան օժտել է ժողովրդական հերոսի բնավորության գծերով, նրան պատկերել է իր տարերքի մեջ: Հեղինակի նվաճումը պետք է համարել կերպարի զարգացման դիմամիզմը: Անդրանիկ գորավարին տեսնում ենք մշտապես շարժման մեջ՝ հերոսական կոփմների կենտրոնում, պայծառառտես հավատքով ու ներքին խռովքով, ազգայնական անհեռառտես գործիչների հետ սկզբունքային և անհաշտ բախումով: Զորավարն ու մարտիկը՝ մի կողմից, ներդաշնակում են և, լրացնելով իրար, ամբողջացնում մի գունեղ բնավորություն: Նա խոր ապրումներով ու ներքին բարդ անցումներով հոգեբանական կերպար է, հեղինակի փայլուն ձեռքբերումը: Կերպարի թանձրացման զեղարվեստական հնարանքներն են՝ էպիկական գծերի խտացումը, հոգեկան դրամայի ընդգծումը, խոստովանության ու ինքնազննումի միջոցները, և, առհասարակ, հեղինակային անհատականությանը բնորոշ ու վիպական ողջ հյուսվածքում զարմանալի հաջողությամբ օգտագործվող ներքին մենախոսության եղանակը: Զեղարվեստական այս հնարանքը մեծ հմտությամբ և ոչ միօրինակ ձևով կիրառված է նաև Դանիել Բել-Փիրումյանի, Արամ Փաշա Մանուկյանի, Դրոյի և Ուրիշ կերպարներում... «Փրկություն» վեպը Ռոբերտ Կարայանի ստեղծագործական նշանակալից հաջողությունն է, հեղինակի հասունությունն ու կարելիությունները վավերացնող և զեղարվեստական նոր որոնումներում հուսալիորեն պարտավորեցնող երկ:

Վեպն անմահացրել է իրական-վավերական մի շարք հերոսների, որոնց կերպարները հերոսության և հայրենասիրության խորհրդանիշներ են, և նրանց միջոցով հեղինակը կենդանի է պահում ժողովրդին ու հայրենիքին անմահացող նվիրումի թանկ զգացումները: «Փրկություն» ստեղծագործության ազնիվ գծերից ու նշանակալից ձեռքբերումներից է հայ եկեղեցու և նրա հոգևոր տերերի հայրենասեր գործունեության արդար վերագնահատումը: Տակավին խորհրդային վարչակարգի տարիներին Ռ. Կարայանը խիզախել է ճշմարտությունն ասել այդ մասին, ցույց տալ, թե Սարդարապատի բախտորոշ հերոսամարտում ինչպիսի անօրինակ դեր խաղաց հայոց առաքելական եկեղեցին: Ռոբերտ Կարայանի «Փրկություն» վեպը հայ գոյապայքարի զեղարվեստական փայլուն շոշաղծակունքներից մեկն է, որի պատմական և արդիական արժեքը դիմացել է ժամանակի փորձությանը, և ահա շուրջ երկու տասնամյակ ազգությանն անկախության ու ազատության ոգեկոչող նշանավոր երկերի շարքում հաստատել է իր ուրույն տեղը:

Գ. Մ. ԳԵՂԱՄՅԱՆ

Հայ պատմագիտությունը ծանր կորուստ կրեց: Կյանքից հեռացավ Գիտությունների ազգային ակադեմիայի պատմության ինստիտուտի գլխավոր գիտաշխատող, պատմական գիտությունների դոկտոր, պրոֆեսոր Գուրգեն Միքայելի Գեղամյանը: 1949 թ. Գ. Գեղամյանն ընդունվել է 1954 թ. ավարտել է ԵՊՀ պատմության ֆակուլտետը: 1954 թվականից աշխատել է Թումանյանի (Վավերի) շրջանի Մղարթ գյուղում՝ որպես դպրոցի տնօրեն: ՀՀ ԳԱԱ պատմության ինստիտուտի ասպիրանտուրան ավարտելուց հետո աշխատել է պատմության ինստիտուտում՝ որպես ավագ գիտաշխատող (1967 թվականից), առաջատար գիտաշխատող (1974 թվականից), բաժնի վարիչ (1994-2005 թթ.), գլխավոր մասնագետ (2005 թվականից): 1963 թ. պաշտպանել է թեկնածուականատենախոսություն «Հայաստանի կոլտնտեսային գյուղացիությունը 1953-1958 թթ.» թեմայով: Նրա դոկտորականատենախոսությունը (1980 թ.) նվիրված էր հորհրդային Հայաստանի 1920-ական թթ. սկզբի սոցիալ-տնտեսական և քաղաքական հիմնախնդիրներին («Նեպոլեոն և սոցիալ-տնտեսական փոփոխությունը Հայաստանում»): 1981 թ. ստացել է պրոֆեսորի կոչում: Գեղամյանը 1980 թվականից պատմության ինստիտուտի գիտական աստիճաններ շնորհող մասնագիտական խորհրդի անդամ էր: Համատեղության կարգով հայոց պատմություն էր դասավանդում ԵՊՀ-ում, ծարտարագիտական և Հ. Աճառյանի անվան համալսարաններում: Մի շարք մենագրությունների և 60-ից ավելի գիտական հոդվածների հեղինակ է: Մասնակցել է «Հայ ժողովրդի պատմության» դպրոցական և բուհական դասագրքերի ստեղծման աշխատանքներին: Գուրգեն Գեղամյանը վայելում էր մեծ սեր ու հարգանք ինչպես մասնագետ-պատմաբանների, դասախոսների, այնպես էլ հասարակության ամենալայն շրջաններում: Նա հմուտ պատմաբան էր, ինքնատիպ դասախոս, իրաշալի գործընկեր: Պրոֆ. Գեղամյանի հիշատակը միշտ վառ կմնա նրան ճանաչողների, հայ պատմաբանների սրտերում:

ՀՀ ԳԱԱ պատմության ինստիտուտ

Բարձրաձայններ գիտության մասին

Այն, որ հայկական ԶԼՄ-ում գիտության լուսաբանման խնդիր ունենք, արդեն վաղուց է հայտնի, բայց վերջերս նաև պարզ դարձավ, որ խնդիրը հեշտ հաղթահարելի է. միայն թե ցանկություն լինի: Իսկ ցանկություն կա: Հայաստանում գործող գիտական լրագրողների խմբի համակարգող և անփոփոխ առաջնորդ, Հայկական աստղագիտական ընկերության համանախագահ Արեգ Միքայելյանն առաջարկում է հունիսի 15-ը հայտարարել գիտության բարձրաձայնման օր: Նպատակ հետապնդելով, որ այդ օրը բոլոր ԶԼՄ-ը նվիրեն գիտության լուսաբանմանը, սույն թվականի հունիսի 15-ին ԳԱՍ նախագահության շենքում հրավիրվել էր մամուլի ասուլիս, որի ժամանակ ելույթ ունեցան ՀՀ ԳԱՍ նախագահ, ակադեմիկոս Ռադիկ Մարտիրոսյանը և Հայկական աստղագիտական ընկերության համանախագահ Արեգ Միքայելյանը:

ՀՀ ԳԱՍ նախագահ, ակադ. Ռադիկ Մարտիրոսյանը խոսեց Հայաստանում գիտության կազմակերպման և պետական ֆինանսավորման մասին: Արեգ Միքայելյանն առաջարկներ ներկայացրեց գիտության ֆինանսավորման այլընտրանքային ձևերի և գիտության հեղինակության բարձրացման վերաբերյալ:

Ավարդ. Ռադիկ Մարտիրոսյանն իր ողջույնի խոսքում նշեց, որ շատ է կարևորում լրատվամիջոցների ուշադրությունը գիտության հանդեպ: Եվ չնայած այն համաճանաչման, որ վերջին 20-25 տարիների ընթացքում գիտականի և գիտության հեղինակությունը մեր երկրում ընկել է, այսօր բավականին արդյունավետ քայլեր են արվում առաջացած խնդիրները հաղթահարելու ուղղությամբ: ՀՀ ԳԱՍ նախագահը կարևորում է այդ գործում երիտասարդների ներգրավվածությունը, իսկ դրա համար, հայտնի բան է, պետք է, որ ոլորտը զրավիչ լինի, և դա պիտի ապահովեն բուհերը, ինստիտուտները: Բացի այդ առկա են որոշակի սոցիալական խնդիրներ, որոնց լուծումն էլ պետք է ստանձնի պետությունը: Ու երբ այս երկուսը լինեն, ինչպես նաև լինի գիտության պատշաճ լուսաբանում, մենք կհասնենք ցանկալի արդյունքի: Չնայած առկա դժվարություններին հատկապես հիմնարար գիտության ոլորտում այնուամենայնիվ մեր երկրում գիտությունը շարունակում է զարգացում ապրել, նորանոր ձեռքբերումներ ունենալ: Սա փաստում են բազմաթիվ անկախ միջազգային և արտասահմանյան կազմակերպությունների կողմից տրված գնահատականները հենված վիճակագրական տվյալների վրա: Եվ սա ընդունենք որպես ոչ շահագրգիռ կողմի օբյեկտիվ գնահատական: Այդպիսիների շարքում պարոն Մարտիրոսյանն առանձնացրեց UNESCO-ի 5 տարին մեկ լույս տեսնող հաստատվոր (600-ը) զեկույցը: Այս ժողովածուն նվիրված է գիտության աշխար-

հում ձեռքբերումներին և պատրաստվում է UNESCO-ի վիճակագրական ինստիտուտի կողմից: Այս ձեռնարկի վերջին համարում, որ լույս է տեսել 2010թ., մեր տարածաշրջանի, այն է՝ Կենտրոնական և Արևմտյան Ասիայի տարածաշրջանի երկրների շարքում (Հայաստան, Ադրբեջան, Վրաստան, Ղազախստան, Տաջիկստան, Ղրղզստան, Թուրքիա, Իսրայել) Հայաստանն առաջինն է իր գիտական արդյունքով՝ 544 միավոր, որն ավելի մշանավոր ու գնահատելի է դառնում, երբ համեմատում ենք, օրինակ, հարևան Ադրբեջանի 292, կամ Ղազախստանի 218 միավորի հետ. այս էլ այն դեպքում, երբ ամեն տարի գիտության ֆինանսավորման համար մեր երկրում տրամադրվում է 23 մլն, Ադրբեջանում՝ 114 մլն և Ղազախստանում՝ 384 մլն ԱՄՆ դոլար, իսկ հետազոտող-գիտնականների թիվը բաշխվում է 4114, 11200 և 10700-ի համապատասխանաբար: Հարկ է նշել նաև, որ հայկական գիտական արդյունքի կեսից ավելին ապահովվում է միջազգային գիտական համագործակցության միջոցով, քանի որ Հայաստանում ՀՆԱ-ի միայն 0.24 %-ն է ուղղվում գիտության զարգացմանը (Եվրոպա - 2 %, ԱՄՆ - 2.5%):

Մեր երկրում գիտության զարգացման հիմնական ուղղություններն են ֆիզիկան, մաթեմատիկան, ինֆորմատիկան, բիոհիման ու կենսաբանությունը:

ՀՀ ԳԱՍ նախագահը մեկ այլ ձեռքբերման մասին էլ հայտնեց: Հայաստանի գիտությունների ազգային ակադեմիայի երեք ինստիտուտներ շահել են ԵՄ գիտական հետազոտությունների և տեխնոլոգիական զարգացման 7-րդ շրջանակային ծրագրի (FP7) դրամաշնորհները: Յուրաքանչյուր ինստիտուտի կիսակազմի 500 հազ. եվրո : Դրամաշնորհները շահել են Հայաստանի ԳԱՍ ֆիզիկական հետազոտությունների, ինֆորմատիկայի և ավտոմատացման պրոբլեմների ինստիտուտները և Էկոլոգոնոսֆերային հետազոտությունների կենտրոնը:

Հարկ է հիշել մեկ այլ հետաքրքիր ծրագրի մասին նույնպես. «Պահանջում ենք գիտության ֆինանսավորման ավելացում» ֆեյսբուքյան նախաձեռնությունը 2011թ. մայիսի 25-ին հայտարարել էր Ազդեցության գործակից-IF ունեցող միջազգային գիտական ամսագրերում տպագրություններ ունեցող երիտասարդ գիտնականների խորհրդում ծրագրի մեկնարկը: 133 երիտասարդ գիտնական մասնակցության հայտ է ներկայացրել, տվյալները ստուգվել են, և համապատասխան մեթոդաբանությամբ հաշվարկվել է ազդեցության գործակից ունեցող յուրաքանչյուր հոգևածին հասնող խորհրդում:

Ծրագրի ֆինանսավորման համար զգալի գումար է հատկացրել «Գազիկ Ճառուկյան» հիմնադրամը: Մրցանակաբաշխությունը կայացավ սույն թվականի հունիսի 10-ին,

և 100-500 հազարական դրամ խրախուսավճարներ ստացան 95 երիտասարդ գիտնական-հետազոտողներ:

Պարոն Միքայելյանը խոսեց գիտության ոչ բավարար լուսաբանման մասին՝ իրավացիորեն փաստելով, որ այսօր հայկական ԶԼՄ-ում սպորտային ոչ այնքան կարևոր իրադարձություններն ավելի շատ են լուսաբանվում, քան գիտության ձեռքբերումները: Գիտության մասին խոսելիս էլ Հայաստանի ԶԼՄ-ն նախընտրում է տեղեկացնել հանրությանը գիտության բնագավառի խնդիրների, ինտրիգների, անհամաձայնությունների, այլ ոչ ձեռքբերումների և գյուտերի մասին: Գիտության վարկանիշը մեծ չափով պայմանավորված է գիտության տարբեր ոլորտների վերաբերյալ հանրության տեղեկացվածության ցածր մակարդակով:

Այս խնդրի լուծման համար Աստղագիտական ընկերության համանախագահ Արեգ Միքայելյանն առաջարկեց գիտական հիմնարկներին որոշակի պարբերականությամբ մամուլի հաղորդագրություններ տարածել ձեռքբերումների և նոր համագործակցությունների մասին: Բացի այդ մեկ այլ խնդիր էլ կա. ոչ մի բուհում չի դասավանդվում գիտական լրագրություն առարկան: Իսկ ինչ վերաբերում է գիտության ֆինանսավորման հետ կապված հարցերին, պարոն Միքայելյանն ավելի իրատեսական մոտեցում ունի. նա գիտակցում է, որ այսօր անհնար է այն հինգ անգամ ավելացնել, քանի որ այդպիսի կտրուկ աճի համար պետությունը համապատասխան ֆինանսներ չունի: Փոխարենը գիտնականն առաջարկում է այլընտրանքային տարբերակ դիտարկել, օրինակ՝ փոխառել ամերիկյան փորձը, որտեղ գիտության ֆինանսավորման միջոցների 1/3-ը հովանավորչական բնույթի են, տրամադրվում են գործարարների կողմից, որոնք համար գործում է օրենք հովանավորչության վերաբերյալ. և հովանավորներն ազատվում են որոշակի հարկերից:

Ինչպես տեսանք, Հայաստանում գիտությունը ոչ միայն չի դադարել զարգանալ, այլև թևակոխել է նոր հնարավորություններ խոստացող, համեմատաբար ավելի շատ ֆինանսավորման ու միջազգային համագործակցությունների փուլ:

Եվ, իսկապես, նպատակին հասանք. այդ օրը բազում լրատվամիջոցներ միաժամանակ տեղեկատվություն հաղորդեցին գիտության խնդիրների, գիտության և գիտնականների հեղինակության անկման, գիտական գործունեության օժանդակության բացակայության, գիտության ցածր ֆինանսավորման, բայց և գիտական ձեռքբերումների, հաղթանակների, նոր նախագծերի, հայ գիտնականների շահան դրամաշնորհների, գիտության ոլորտում միջազգային համագործակցության նոր հնարավորությունների և հարակից այլ հարցերի մասին:

Հայ ազգը, որ ունեցել է և ունի պայծառ գիտական միտք, պիտի միշտ գնահատի ու հպարտանա իր գիտական ձեռքբերումներով:

ԱՄԻ ՎԱՐԴԱՆՅԱՆ



խոսքը վերաբերում է Անիի հայոց (Բագրատունյաց) թագավորությանը, որը 1045 թ. այլևս ու մեկընդմիջտ վայր է իջնում հայոց պատմության թատերաբեմից: Մի ողբերգական դրամա, որն սկսվել էր վաղուց և իր տրամաբանական ավարտին հասավ վերոնշյալ թվականին: Ընկավ Անին, ընկավ Անիի հզոր փառքը, հայոց պետականությունը ստացավ ողնաշարի ոչ թե հերթական վերքը, այլ անբուժելի ու մահացու հարված:

1045 թ. հետո Հայկական բարձրիկ լեռնաշխարհում այլևս պետականության արևը չի ծագի ընդհուպ մինչև 20-րդ հարյուրամյակ 1918-20-ական թվականները:

Պատմության էջերում բազմիցս քննվել ու քննարկվել է Անին Բյուզանդական կայսրությանը կտակելու առեղծվածը: Պատմադասիկները ու հետևանքներից զատ, վեր է խոյանում հեղինակների հարցը. ովքեր " և ինչու"...

Պատմական երկու դեմքեր, խոշոր անհատներ մշտապես կանգնում են պատմության ու սերունդների առջև: Նրանք են հայոց արքա Յովհաննես-Սմբատ Բագրատունին և հայոց կաթողիկոս Պետրոս Գետադարձը: Որոշ վկայություններ կան, որոնք հավաստում են, որ կաթողիկոսը Տրապիզոն քաղաքում բյուզանդացի կայսեր հետ վարած բանակցություններում առավելապես հենվել է թագավորի հանձնարարականների վրա և կատարել վերջինիս կամքը, այն է հայոց կողմը հանձն էր առնում Անին կտա-

Թագավորն ու կաթողիկոսը պատմության դատաստանի առջև

կել Բյուզանդական կայսրությանը:

Հիշատակելի է հետևյալ փաստը: Տրապիզոնում ամոթալի գործարքը կնքելուց հետո Պետրոս Գետադարձը անմիջապես չվերադարձավ Անի, այլ ավելի քան չորս տարի մնաց Արևմտյան Հայաստանում (Բյուզանդիային ենթակա հատվածում): Ակնհերձ է, որ խիստ սրվել ու լարվել էին հարաբերությունները կաթողիկոսի և թագավորի միջև: Սակայն այդ ամենը՝ թագավորի ուշացած զգաստությունն ու իրավիճակի սթափ ընկալումը, այլևս ի գործ չէին փոխելու հայոց պատմության հետագա ընթացքը:

Ժամանակի մեծ ու փոքր հակասություններով, գծություններով ու պառակտումներով լեցուն միջավայրը ծնել էր համազգային մեծ ողբերգությունը, որը շուտով ի կատար էր ածվելու Անիի անկմամբ: Բյուզանդական խորամանկ դիվանագիտությունը ճարպկորեն խաղարկեց Յովհաննես-Սմբատի կտակը՝ հուսահատության մատնելով հայոց արքունական ու հոգևոր շրջանակներին:

Այն պահին, երբ Կոստանդնուպոլիս հրավիրված Գագիկ 2-րդ արքան հայտնվեց բյուզանդական գերության ճիրաններում, Անիում էլ ավելի սրվեց բարդ ու լարված իրավիճակը, և առավել գերակա դարձան հուսահատական ու պարտվողական տրամադրությունները: Այս իրավիճակում կաթողիկոսը ոչ միայն չնպաստեց հայրենասիրական ուժերի միավորմանը, այլև իր գործողություններով փութացրեց քաղաքի հանձնման գործընթացը:

Ի վերջո, Բագրատունիների թագավորության մայրաքաղաքն ընկավ հակառակորդի ձեռքը: Կարճ ժամանակում քրիստոնյա կայսրության կառավարիչները ցույց տվեցին իրենց գաղութարարական քաղաքականության իսկական դեմքն ու ձեռագիրը: 1046 թ. աշնանը բյուզանդական նոր կուսակալը՝ Կատակոլոն Կեկավմենոսը, Անիից հեռացրեց հայոց կաթողիկոսին՝ հայտարարելով, թե

կայսրը հրամայել է, որ վերջինս հաստատվի Արծն քաղաքում: Այսինքն՝ թագավորի գահագրկուն միջոց հետո մեկուսացվում էր հայոց ինքնուրույնության երկրորդ խորհրդանիշը՝ կաթողիկոսը:

Արծն ուղևորված կաթողիկոսին արգելափակված պահեցին մինչև 1047 թ. կեսերը, որից հետո փոխադրեցին Կոստանդնուպոլիս: Այստեղ երեք տարի պահելուց հետո նրան թույլատրում են բնակություն հաստատել Սեբաստիայում:

Թեև բյուզանդացիները հայոց կաթողիկոսի հետ վարվում էին այնպես, ինչպես կամենում էին, այնուամենայնիվ որոշ փաստեր վկայում են, որ նա նրանից զոչաշանում էին, քանզի հունասեր կաթողիկոսը զոչացել էր իր կատարածի համար և հավանաբար հոգու խորքում որդեգրել էր նոր դիրքորոշում: Այդ է վկայում պատմիչ Արիստակես Լաստիվերցու այն տեղեկությունը, թե բյուզանդացիները բռնի պահում էին կաթողիկոսին, քանզի կասկածում էին եթե նա հասնի հայրենիք. «Թե երբեք ապստամբեցուցանե զԱնի» («Պատմութիւն Արիստակեսի Լաստիվերցոյ», եր., 1963, էջ 82):

Սիա այսպիսի տխուր, ողբերգական ճակատագիր բաժին հասավ հայոց կաթողիկոսին, որն անհրաժեշտ իմաստությունը չուներ ժամանակին նկատելու և գնահատելու բյուզանդական նենգ քաղաքականության հնարավոր կործանարար հետևանքները: Ի վերջո, ինչի՞՞ հասան Յովհաննես-Սմբատ արքան և Պետրոս Գետադարձ կաթողիկոսը: Ավելի քան 10 հարյուրամյակ է անցել նրանց գործունեության ժամանակաշրջանից, սակայն մինչև օրս նրանք հեռակա կարգով շարունակում են մնալ պատմության և հայոց սերունդների բարոյական դատաստանի առջև:

ԱՐՄԵՆ ԿԱՐԱՊԵՏՅԱՆ
Պատմական գիտությունների թեկնածու

ՌԻՄԱ ՄԱՆՈՒԿՅԱՆ
Տեխնիկական գիտությունների
բնկմամբ

«Պարույր Սևակի ծնունդը մեր կյանքի, մշակույթի, մեր ներկայի ու մեր ապագայի համար եղավ. ճշմարտապես, մի «եղիցի լույս»։ Պարույր Սևակն այնպիսիներից եղավ, որ պիտի ապրի այնքան ժամանակ, որքան ապրել է հայ ժողովուրդը, իսկ հայն անմահներից մեկն է աշխարհում»։

ՎԱՋԳԵՆ ԱՌԱՋԻՆ

Պարույր Սևակի հիշատակին

«Բարև, Պարույր։ Ես քեզ ասում եմ բարև և գիտեմ, որ ի պատասխան կլսեմ քո ծայրը...»։ Ահա այսպես, մայիսի 30-ին սկսվեց հայ մեծանուն բանաստեղծ Պարույր Սևակի ողբերգական մահվան 40-ամյակին նվիրված միջոցառումը, որ կազմակերպել էին ՊԱՍՄԱՍՏՐԱՄԱՆՈՒՐԱՅԻ ՔԱԺՄԻ մի խումբ ուսանողներ՝ գիտակրթական կենտրոնի ուսումնական մասի ղեկավար մասնագետ Նարինե Վարդանյանի և հոգեբանության ամբիոնի դասախոս Մարինա Սահակյանի նախաձեռնությամբ։

40 տարի առաջ ճակատագրական վթարը կտրեց մեծ բանաստեղծի, անգերազանցելի բանագետի, լեզվագետ-փիլիսոփայի, մարդկային հոգու անկրկնելի գիտակի և վերլուծի մեծն Պարույր Սևակի կյանքի թելը։ Այս անգամ էլ անողորմ ճակատագիրը մի անբացատրելի և դաժան խաղ խաղաց հայի գլխին և... «Ասում եմ ձյունը, թե նա տեղում է ամառվա կեսին»։ Եվ այս անգամ իսկապես ձյունը տեղաց ամառվա կեսին՝ հունիսի 17-ին։

Այսօր նա չկա։ Բայց կան նրա «Անմահները հրամայում են», «Սիրո ճանապարհը», «Անդրեյի զանգակատունը»։ Նա սիրվեց ու մնաց ժողովրդի մեջ, նրա կյանքի ու հիշողության մեջ։ Սևակ կարողացել են ու սիրել նրա ժամանակակիցները, Սևակ կարող են ու սիրում ենք մենք։ Սևակ կարողալու ու սիրելու են գալիք սերունդները։ Սևակը համակ սեր է։ Սեր դեպի գրականությունը։ Եվ հենց այս սերն էլ ևս մեկ անգամ միավորեց հայ երիտասարդներին։

Միջոցառմանը ներկա էին Պարույր Սևակի տուն-թանգարանի տնօրեն Ավետիք Գրիգորյանը, ժողովրդական երգչուհի Գայանե Ներսիսյանը, գիտակրթական կենտրոնի տնօրեն Ալբերտ Սարգսյանը և շատ ուրիշներ, որոնք ողջունեցին ուսանողների նմանօրինակ նախաձեռնությունը՝ մաղթելով նրանց հետագա հաջողություններ և ձեռքբերումներ։

Հայրափի ԴԱՆԼԱՔՅԱՆ

ԳՄԿ մագիստրատուրայի լրագրության I կուրսի մագիստրանտ

ՊԱՐԱՊՈԹՅՈՒՆ

Զգիտե՛մ ի՞նչ անեմ։

Պարեպար եմ զարկվում։

Նազար բան եմ փնդում՝ կույրի նման,

Ու հասկացած նրա ինչ-ինչոցը՝ կրկին

Պարեպար եմ զարկվում։

Զգիտե՛մ ի՞նչ անեմ։

Եվ իմ ներսի ձայնը

Խաղաղությամբ մի բույժ

Սկսում է ճնշել ու մամլել ինձ այնպե՛ս,

Որ ես քիչ է մնում «հե՛յ-հե՛յ» գոռամ՝

Նախապանի նման կամ հովվի պես.

Թե՛ղ իմ հոտ ու նախրի մարդովն անգամ

չանցնի.

Թե անտեր են իրենք։

«Տե՛լ-հե՛լ»՝ կանչելն, անշո՛ւշը,

Նո՛ւյնպես գործ է։

Բայց ես հո չեմ կարող

Անվերջ «հե՛յ-հե՛յ» կանչել։

Ուրիշ գործ եմ ուզում։

Նախագահ Ջոն Բենեդիկին սպանել են այլմոլորակայինների պարճառով

Թերևս նրա սպանության շարժառիթը եղել է այն հանգամանքը, որ Ջոն Բենեդիկն պահանջել է զաղտնագրվել ԶԹՕ-ների մասին եղած նյութերը։

Ֆանտաստիկ վարկածն այն մասին, որ դավադրության հետքերը, որին զոհ դարձավ Միացյալ Նահանգների 35-րդ նախագահ Ջոն Ֆիցջերալդ Բենեդիկն, գոյություն ունի շատ վաղուց։

Դարի ամենաառեղծվածային սպանության գաղտնիքի բացահայտման հեղինակն ամերիկյան ուժի ուղղ (ԶԹՕ-ների մասնագետ) Թիմ Կուպերն է։ Նա հայտարարեց, որ ԱՄՆ-ի նախագահը, նկատելով ամերիկյան վերնախավի կապը այլմոլորակայինների հետ, մտադիր էր հրապարակ հանել այդ իրողությունը և այդ մտադրության համար էլ վճարեց իր կյանքով։

Որպես ապացույց՝ Կուպերն այրված «գործից» էջեր է ներկայացնում, որոնք իբր ձեռք է բերել 1999 թվականին։ Նրա խոսքերով կիսալրված լուսանցքներով փաստաթղթերն իրեն էր ուղարկել Կենտրոնական հետախուզական վարչության անհայտ մի աշխատակից, որին հաջողվել էր ոչնչացնելու նպատակով կրակի մատնված գերզաղտնի փաստաթղթերից մի քանիսը փրկել։

Այսօր այդ թղթերը նորից են հայտնվել հրապարակում։ Այս անգամ, սակայն, դրանց անդրադառնում է գրող Ուիլյամ Լեստերը, որը գիրք է գրում Բենեդիկի մասին։

Իբր թե նրա խնդրանքով ԿԳԿ-ն այդ «գործի» նյութերից գաղտնագրվել է Բենեդիկի երկու նամակ. դրանցից մեկը հասցեագրված է եղել ՆԱՍԱ-ի պետին։ Նամակում Բենեդիկն ցանկություն է հայտնել տիեզերքի ուսումնասիրման բնագավառում համագործակցել ՆԱՅՄ-ի հետ։ Իսկ մյուսը հասցեագրված է եղել Կենտրոնական հետախուզական վարչության տնօրենին։ Թիվը՝ 12 նոյեմբերի 1963 թվականի, այսինքն՝ սպանվելուց 10 օր առաջ։ Այդ նամակում ԱՄՆ-ի նախագահը պահանջում է իրեն ցույց տալ ԶԹՕ-ների վերաբերյալ գերզաղտնի նյութերը։

- Բենեդիկն անհանգստացնում էր այն հանգամանքը, որ

ԽՍՀՄ օդային տարածքում շատ են երևում քոչող ափսեներ, և որ խորհրդային իշխանությունները սխալմամբ դրանք կհամարեն ամերիկյան օբյեկտներ, ասում է Լեստերն իր հարցազրույցներից մեկում և ավելացնում.

- Ահա ինչու Բենեդիկն ուզում էր գերզաղտնի այդ նյութերը վերցնել ՆԱՍԱ-ի և հատուկ ծառայությունների ձեռքից, որպեսզի ԽՍՀՄ-ին ապացուցի, որ այդ «ափսեները» ոչ մի կապ չունեն ամերիկյան կողմի հետ։

Սակայն ԱՄՆ-ի 35-րդ նախագահի այդ մտադրությունը իրականացնել չհաջողվեց։

Բենեդիկն սպանվեց 1963 թվականի նոյեմբերի 22-ի առավոտյան, Թեքսաս նահանգի Դալլաս քաղաքում։

Պաշտոնական վարկածով նրան գնդակահարեց միայնակ-մուլագար Լի Ջարվի Օսվալդը։ Իսկ գրող Թիմ Կուպերի վարկածով նախագահին սպանել է Բենեդիկ լիմուզինի վարորդ Ուիլյամ Գրիդը՝ զաղտնի գործակալ, որի առաջադրանքն էր թույլ չտալ, որ Բենեդիկն բացահայտի ԶԹՕ-ների գաղտնիքը։

«Ղուբ պետք է, որ իմանաք, որ Ուոլանդ տվյալներ է հավաքում մեր գործունեության մասին, մի բան, որ մենք չենք կարող թույլ տալ»։ Իբր թե փաստաթղթի առաջին էջի վրա գրել է ԿԳԿ տնօրենը։ «Ուոլանդ» Բենեդիկն պահակախմբի համար Ջոն Բենեդիկն ծածկագրված անունն է։

ԽՄԲԱԳՐՈՒԹՅԱՆ ԿՈՂՄԻՑ. Փաստաթղթերի իսկականության սույն վարկածի ճշմարիտ լինելու մեջ մենք կհամոզվենք օգտագործված թանաքի, ծածկագրերի տիպերի, ջրային նշանների անալիզից հետո միայն։ Նամակները հիմա ամերիկյան ուժի ուղղության կողմից ուղարկվել են ուսումնասիրության՝ մասնագետների կարծիքն իմանալու։

Ավետյան ԿԱՋԻՆԱ

«Կոմսոմոլսկայա պրավդա»



Նրա փոշին սրբել իրենց պոչով։ Ահա նրանք, այո՛, բեռ են դարձել հիմա Այս քո փոշիացող մեքենայի համար, Որ և այսօր, խնդրե՛մ, քո դարավոր Փոխադրականը է փոխադրում...

Բեռնամեքենայի թափում՝ ձիեր, Վախից կծի՛կ դարձած,

դողդողացող ձիեր,

Ամեն շրջադարձի ու կետմանի վրա Մե՛զ պես (մարդո՛ւ նման) ճկվող՝ թեքվող,

Մե՛զ պես (և ավելի՛) զգուշացող ձիեր... Ես ձեզ այդ վիճակից ինչպե՛ս

հանեմ, ձիեր։

Լացըս զսպեմ ու ձեր... ցա՛վը

փանեմ, ձիեր...

Եվ իմ ներսում, Որպեղ պարապությունն արդեն Իր պլուտոսյան փխուր հաղթանակն էր փոխում

Տեսնելով իր գլխին մի կեղծ դափնեպսակ, Իսկ իր չորսբորորքում՝ սպույզ դիեր,-

Նո՛ւյն իմ ներսում հիմա, այս վայրկյանից,

Վրնջում են ձիեր,

Խրխնջում են ձիեր,

Դոփո՛ւմ,

Բերաններից կրա՛կ թափում

Ձիեր... Ձիեր,

Այսքան ձիեր...

Եվ ուրներս, իբրև յուրաքանակ «մեղա», Ինձ կորում են փափուկ մահճակալից, Տանում-նստեցնում են ա՛յն աթոռին

չորուկ,

Որի առաջ կա մի... փանջված գրասեղան։ Տանում-նստեցնում են այդ աթոռին

չորուկ,

Որպեսզի... Ե՛ս հիմա ձիեր փեղափոխեմ, Ձիեր փեղափոխեմ ի՛մ միջոցով-ձե՛ր մեջ,

Որ խրխնջան նաև ձե՛ր մեջ ձիեր,

Որ վրնջան նաև ձե՛ր մեջ ձիեր,

Դոփո՛ղ,

Բերաններից կրա՛կ թափող

Ձիեր...

31.10.1965 թ.

Հայտարարություն

ՀՀ ԳԱԱ պատմության ինստիտուտը հայտարարում է մրցույթ. ինստիտուտի Հայկական հարցի և Հայոց ցեղասպանության պատմության բաժնի վարիչի թափուր տեղի համար։

Գիտական ստորաբաժանման ղեկավարի թափուր տեղի համար թեկնածու առաջադրելու իրավունքը, համաձայն կանոնադրության, պատկանում է կազմակերպության գիտական խորհրդին, ստորաբաժանման գիտական անձնակազմին և ինստիտուտի տնօրենին։

Պահանջվող փաստաթղթերը՝ ինքնակենսագրություն, հաշվառման անձնական թերթիկ, անձնագրի և դիպլոմի պատճենները, քաղվածք աշխատանքային գրքույկից, ներկայացնել Պատմության ինստիտուտի գիտքարտուղար Հ. Մուրադյանին մինչև ս.թ. օգոստոսի 1-ը (հասցե՝ Մ. Բաղրամյան 24/4, 7-րդ հարկ)։

Թեկնածուներին ներկայացվող պահանջները պատմական գիտությունների թեկնածուի կամ դոկտորի գիտական աստիճան, գիտամեթոդական աշխատանքի առնվազն 10 տարվա ստաժ, վերջին 5 տարվա ընթացքում առնվազն 10 գիտական աշխատությունների հեղինակ։ Հրատարակված աշխատությունների ցանկ՝ հաստատված համապատասխան կարգով։

ՈՒՂՈՒՄ

Սեր թերթի նախորդ համարում հրապարակված «Հայոց ցեղասպանության ականատես-վերապրողների վկայությունները որպես իրավաբանական ցուցմունք» երեք լեզուներով՝ գրախոսության հեղինակի ազգանվան մեջ սպորդել էր վրիպակ. պետք է լիներ Արմեն Մարության։ Հայցում ենք հեղինակի ներողամտությունը։

«ԳԻՏՈՒԹՅՈՒՆ»

Գիտություն

Գլխավոր խմբագիր՝ Ա. ՏԵՐ-ԳԱԲՐԵԼՅԱՆ

Երևան-19, Մարշալ Բաղրամյան 24թ, հեռ. 56-80-14:

Դասիչ՝ 69268, գրանցման վկայական՝ 448:

Ստորագրված է փաթեթային՝ 30. 06. 2011 թ.:

"ТИТУЛИОН" ("Hayka") razeta HAH PA